

## Manon Antoniazzi

Prif Weithredwr a Chlerc y Senedd  
Chief Executive and Clerk of the Senedd

Mark Isherwood AS  
Cadeirydd y Pwyllgor Cyfrifon Cyhoeddus a Gweinyddiaeth  
Cyhoeddus  
Senedd Cymru  
Tŷ Hywel  
Bae Caerdydd  
CF99 1SN

2 Chwefror 2022

Annwyl Mark

### **Adroddiad y Pwyllgor Cyfrifon Cyhoeddus a Gweinyddiaeth Gyhoeddus ar Graffu ar Gyfrifon 2020-21.**

Rwy'n ysgrifennu mewn ymateb i [adroddiad y Pwyllgor Cyfrifon Cyhoeddus a Gweinyddiaeth Gyhoeddus ar Graffu ar Gyfrifon 2020-21](#). Hoffwn ddiolch i'r Pwyllgor am ei waith craffu.

Hoffwn hefyd ddiolch i'r Pwyllgor am ganmol y Comisiwn am ei berfformiad yn ystod y 12 mis diwethaf wrth iddo barhau i anelu at ragoriaeth yn economi, effeithlonrwydd ac effeithiolrwydd y sector cyhoeddus, ac am ganmol y Comisiwn am osod yr Adroddiad Blynnyddol a Chyfrifon yn gynnar a nodi cyflwyniad effeithiol y ddogfen a'r defnydd o ddiagramau a ffeithluniau.

Hoffwn achub ar y cyfle hwn i roi sicrwydd i'r Pwyllgor ein bod yn parhau i fod mor ymrwymedig ag erioed i ddarparu mwy o eglurder a sicrwydd drwy graffu ac archwilio allanol yn ogystal â'n fframwaith llywodraethu mewnol. Rydym wedi ymrwymo i adolygu ein dangosyddion perfformiad corfforaethol a byddwn yn rhannu canlyniad yr adolygiad hwn gyda'r Pwyllgor, gan gyfeirio'n benodol at y Dangosydd Perfformiad Allweddol sy'n ymwneud â thanwariant.

Byddwn hefyd yn rhannu gwybodaeth am ein Hadolygiad Capasiti 2021-22 ac yn rhoi mwy o fanylion i'r Pwyllgor am ei nodau, ei gynnydd a'i ganlyniadau erbyn y gwanwyn nesaf.

Rhoddir sylw llawn i argymhellion eich Pwyllgor ynghylch y Comisiwn yn yr Atodiad sydd ynghlwm. Os hoffech gael rhagor o wybodaeth am unrhyw fater a gynhwysir yn yr Atodiad, mae croeso ichi roi gwybod i mi.



**Senedd Cymru**  
Bae Caerdydd, Caerdydd, CF99 1SN

 [Contact@senedd.cymru](mailto:Contact@senedd.cymru)

 0300 200 6565

**Welsh Parliament**  
Cardiff Bay, Cardiff, CF99 1SN

 [Contact@senedd.wales](mailto:Contact@senedd.wales)

 0300 200 6565

Fel arfer, os hoffai eich Pwyllgor gael unrhyw wybodaeth bellach, cofiwch fod croeso ichi gysylltu â mi.

Yn gywir

*Mansur Antuiazgi*

copi at Gomisiynwyr y Senedd, Nia Morgan



## Atodiad 1

### Adroddiad y Pwyllgor Cyfrifon Cyhoeddus a Gweinyddiaeth Gyhoeddus ar Graffu ar Gyfrifon 2019-20.

**Argymhelliad 1** Er budd mwy o dryloywder, rydym yn argymell, cyn y gwaith craffu blynyddol ar y cyfrifon, y dylai'r Comisiwn roi manylion i'r Pwyllgor sy'n crynhoi ac yn casglu tanwariant ac yn nodi penderfyniadau a wneir i ailddyrannu tanwariant. Byddai'n ddefnyddiol pe bai hyn ar fformat tebyg i'r llythyr a roddwyd i'r Pwyllgor Cyllid

#### Derbyniwyd

Rydym yn croesawu gwaith craffu'r Pwyllgor ac yn gofyn am ragor o wybodaeth am danwariant y Comisiwn ac ailddyrannu unrhyw danwariant yn ystod 2021-22.

Bydd y Comisiwn unwaith eto yn rhoi llythyr i'r Pwyllgor Cyllid, ar ôl diwedd blwyddyn ariannol 2021-22, yn amlinellu goblygiadau ariannol y pandemig ar yr alldro. Byddwn yn rhannu'r wybodaeth hon â'r Pwyllgor hwn a hefyd yn darparu gwybodaeth ychwanegol, lle bo angen, er mwyn sicrhau'r tryloywder gofynnol cyn y sesiwn graffu flynyddol yn hydref 2022.

**Argymhelliad 2** Er mwyn helpu'r Comisiwn i gynyddu ei wariant ar gyflenwyr o gwmnïau yng Nghymru, rydym yn argymell ei fod yn cynnal ymarfer i rannu terfynau gwariant contract h.y. mewn dosbarthiadau llai na £10,000, llai na £50,000, llai na £100,000, llai na £500,000 a mwy na £500,000 a dadansoddi lledaeniad ariannol y contractau a ddyfernir i nodi cyfleoedd i rannu contractau mwy ac i gynyddu'r tebygolrwydd y bydd cwmnïau llai yng Nghymru yn cyflwyno cynnig llwyddiannus am gontract. Byddem yn croesawu diweddariad bob chwe mis ar y cynnydd yn y maes hwn

#### Derbyniwyd

Rydym yn cynnal dadansoddiad gwariant yn rheolaidd ar bob un o'n contractau sy'n werth mwy na £25,000.

Mae pob contract sy'n werth mwy na £25,000 yn cael ei reoli'n ganolog gan dîm Caffael y Comisiwn. Mae rheoli contractau sydd o dan y trothwy o £25,000 yn cael ei ddirprwyo i reolwr perthnasol y Comisiwn.

Ar gyfer contractau gwerth uwch, rydym bob amser yn edrych ar ddichonoldeb opsiynau i rannu'r rhain yn 'lotiau' llai er mwyn cynyddu'r cyfleoedd i gyflenwyr llai sydd wedi'u lleoli yng Nghymru. Enghraifft lwyddiannus, ddiweddar o'r dull hwn



yw'r contract argraffu a chopio, lle'r oeddem yn gallu dyfarnu elfennau o'r contract newydd i gwmni o Gymru.

Mae'r Comisiwn yn ymchwilio'n barhaus i ffyrdd o gynyddu gwariant gyda chyflenwyr o Gymru. Rydym yn gwneud hyn drwy ymchwil i'r farchnad, ymgysylltu'n gynnar â chyflenwyr ac fel y crybwyllwyd, drwy ystyried sut y gallwn strwythuro contractau i annog cyflenwad o Gymru. Yn ddiweddar, rydym wedi dyrannu adnodd pwrpasol o fewn y Gwasanaeth Caffael i arwain ar y gwaith hwn. Mae gennym hefyd bolisi ar 'Annog mentrau bach a chanolig'.

Rydym yn cytuno i roi diweddariad bob chwe mis i'r Pwyllgor ar y cynnydd yn y maes hwn.

**Argymhelliad 3** Rydym yn argymhell bod Comisiwn y Senedd yn parhau i weithio i ddeall ysgogwyr sy'n arwain at y gynrychiolaeth isel o yn ei weithlu o gymunedau lleiafrifoedd ethnig a grwpiau economaidd-gymdeithasol is ac yn cryfhau polisiau ac yn cymryd camau i leihau rhwystrau canfyddedig a bylchau cyflog i'r grwpiau hyn a grwpiau amrywiol eraill.

### **Derbyniwyd (cymunedau lleiafrifoedd ethnig)**

Mae'r Comisiwn yn gweithio'n barhaus i sicrhau ei fod yn deall ac yn datrys y gynrychiolaeth isel o gymunedau lleiafrifoedd ethnig yn y gweithlu, yn enwedig ar raddau uwch.

### **Nodwyd (grwpiau economaidd-gymdeithasol is)**

Ers mis Ebrill 2021 mae'r Comisiwn wedi cynnwys data economaidd-gymdeithasol yn ei brosesau recriwtio, a fydd yn darparu dealltwriaeth o amrywiaeth economaidd-gymdeithasol y gronfa ymgeiswyr yn y lle cyntaf. Bydd y wybodaeth yn cael ei hadolygu ochr yn ochr â dulliau adrodd blynyddol y Comisiwn ar Amrywiaeth a Chynhwysiant ym mis Mai 2022.

**Argymhelliad 4** Rydym yn argymhell bod y Comisiwn yn darparu diweddariad bob chwe mis ar y defnydd o blastig untro.

### **Derbyniwyd**

Mae Comisiwn y Senedd yn cymryd yr angen i leihau plastigion untro yn ei weithrediadau o ddifrif. Rydym eisoes wedi cael gwared ar nifer fawr o eitemau plastig, wedi cymryd rhan ym menter Gorffennaf Di-blastig, ac wedi cynnwys lleihau'r defnydd o blastig untro yn ein Polisi Amgylcheddol. Rydym yn dilyn yr hierarchaeth wastraff lle bo modd;



blaenoriaethu opsiynau aildefnyddio ac ailgylchu, ac nid ydym yn anfon unrhyw wastraff i safleoedd tirlenwi.

I grynhoi, hyd yn hyn rydym wedi:

- Cael gwared ar gwpanau coffi plastig tafladwy bron i ddegawd yn ôl;
- Newid y cynwysyddion tecawê yn y ffreutur am ddewisiadau amgen di-blastig;
- Cael gwared ar gyllyll a ffyrc, biceri dŵr, potiau pwdin a gwellt plastig;
- Rydym wedi bod yn gweithio gyda'r contractwr arlwygo, cyn i'r pandemig ddechrau, i newid eitemau a werthir mewn pecynnau plastig os oes dewisiadau amgen yn bodoli (e.e. poteli diodydd);

Yn ystod y 6 mis nesaf byddwn yn:

- Gweithio gyda thîm Senedd Ieuenctid Cymru i ddarparu poteli yfed metel y gellir eu haildefnyddio i Aelodau, a cheisio sicrhau bod y rhain ar gael i staff er mwyn hyrwyddo'r symudiad oddi wrth ddewisiadau amgen untro;
- Hyrwyddo'r defnydd o'n ffynhonnau yfed presennol yn lle dŵr potel;
- Ymchwilio i ddichonoldeb mabwysiadu un o'r safonau rheoli di-blastig sydd ar gael ar hyn o bryd;
- Ysgrifennu at ein prif gyflenwyr presennol i ofyn iddynt fabwysiadu egwyddorion yr UK Plastics Pact, a gofyn i gyflenwyr newydd wneud yr un peth fel rhan o'r broses gaffael.

Byddwn yn rhoi'r wybodaeth ddiweddaraf i'r Pwyllgor am ein cynnydd ymhen chwe mis.

